

ՆԱՅԻՐԱՊԵՏԱԿԱՆ ՄԱՂԹԱՆՔ ՄԱՅՐ ԱԹՈՒ ՍՈՒՐԲ ԷԶՄԻԱԾՆՈՒՄ

Նոյեմբերի 4-ին, Մայր Աթոռ Սուրբ Էջմիածնում, Ն.Ս.Օ.Տ.Տ. Գարեգին Բ Ծայրագույն Պապրիարք եւ Ամենայն Հայոց Կաթողիկոսի գահակալության 12-րդ փարեղարձի եւ ծննդյան 60-ամյակի առիթով կատարվեց Հայրապետական մաղթանք:

Հայրապետական մաղթանքին ներկա էր ՆՆ նախագահ Սերժ Սարգսյանը: Արարողությանը մասնակցում էին նաեւ ՆՆ Ազգային Ժողովի նախագահ Նովիկ Աբրահամյանը, ՆՆ վարչապետ Տիգրան Սարգսյանը, ԱԺ պապագամալորներ, ՆՆ կառավարության անդամներ, այս առիթով Հայաստան ժամանած թեմակալ առաջնորդներ եւ փարեր թեմերի պատվիրակներ, Մայր Աթոռ Սուրբ Էջմիածնի բարերարներ, ՆՆ-ում հավաքարմագրված օտարերկրյա առաքելությունների ներկայացուցիչներ, զիպության եւ մշակույթի գործիչներ եւ բազում հավաքացյալներ:

Տաճարի զանգերի ուրախալի դողանջների ներքո հանդիսավոր թափորը Հայոց Հայրապետին եւ ՆՆ նախագահին Վեհարանից առաջնորդեց Մայր Տաճար, ուր Մայր Աթոռ Սուրբ Էջմիածնի լուսարարապետ Տ. Նովնան վարդապետ Հակոբյանը ներկաներին հրավիրեց միասնական աղոթքի Ամենայն Հայոց Կաթողիկոսի կենաց արեւշապության ու արդյունաշար գահակալության եւ Մայր Աթոռ Սուրբ Էջմիածնի անասանության ու պայծառության համար:

Այնուհետեւ եպիսկոպոսաց դասը՝ հանդիսապետությամբ Ուկրաինայի հայոց թեմի առաջնորդ Տ. Գրիգորիս արքեպիսկոպոս Բունիայանի, ավագ խորանի վրա կատարեց Հայրապետական մաղթանքի արարողությունը, որի ընթացքում հնչեցին շնորհավորական ուղերձներ:

Ի դիմաց Գերագույն Նոգետոր խորհրդի, Մայր Աթոռ Սուրբ Էջմիածնի միաբանության, Մայր Աթոռի պաշտոնության եւ աշխարհասփյուռ հավաքավոր մեր ժողովրդի Նորին Սրբությանը գահակալության 12-րդ փարեղարձի եւ ծննդյան 60-ամյակի առիթով շնորհավորեց Մայր Աթոռի դիվանապետ **Արշակ եպիսկոպոս Խաչատրյանը**: Իր խոսքում սրբազանը մասնավորաբար անդրադարձավ Վեհափառ Հայրապետի հոգետոր սպասավորության ուղուն: «...Իր ծնունդից 48 փարիներ հետո ապագա Հայրապետը բազմեց Հայրապետական գահին՝ վերստին հաստատելով Տիրոջն իր հավատարմությունը՝ «Տեր Աստված, ես Քո ծառան եմ եւ որդին Քո աղախնու»:

Հայրապետը ցավ ու ողբերգություն ապրեց Հայաստանում ներքաղաքական ցնցումներով ու լարվածություններով, գործեց ու նոր շենություն բերեց Մայր Եկեղեցուն, ուրախացավ Հայաստանի ու հայերի հաջողություններով, չրկնվեց, երբ չհասկացվեց, չհուսահատվեց, երբ հանիրավի և անհիմն մեղադրվեց և միշտ ու հարապետ կարդաց առ Աստված և ասաց՝ «Տեր, ես Քո ծառան եմ և որդին Քո աղախնու», և շարունակեց հուսալ և արժանապես կրեց կոշումը. ԳԱՐԵԳԻՆ ԾԱՌԱՅ ՔՐԻՍՏՈՍԻ ՈՂՈՐՄՈՒԹԵԱՄԲ ԱՍՏՈՒԾՈՅ ԵՒ ԿԱՄՕՔՆ ԱԶԳԻՍ ԵՊԻՍԿՈՊՈՍԱԴՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՆԱՅՈՑ...», - նշեց Արշակ սրբազանը՝ մաղթելով Վեհափառ Հայրապետին երջանիկ, արգասաբեր գահակալություն, արեւշապություն և մշտանորոգ բյուր բարիք: Սրբազանն իր խոսքում նաև շնորհակալություն հայտնեց ՀՀ և ԼՂՀ իշխանություններին՝ Հայոց Եկեղեցու հովվապետի ազգաշեն ու եկեղեցաշեն ծրագրերին ըստ ամենայնի աջակից լինելու համար, մշակույթի և արվեստի գործիչներին, կրթության մշակներին, ազգային ու բարեսիրական հասարակությունների ներկայացուցիչներին ու համայն մեր ժողովրդին՝ Հայոց Եկեղեցուն և Հայոց Հայրապետին միշտ սափար ու օգնական լինելու պապրասպակամության համար:

Հայաստանյայց Առաքելական Սուրբ Եկեղեցու նվիրապետական Աթոռների գահակալների անունից շնորհավորանքներ փոխանցեցին Աթոռների ներկայացուցիչները: Ն.Ս.Օ.Տ.Տ. Արամ Ա Մեծի Տանն Կիլիկիո Կաթողիկոսի անունից Ամենայն Հայոց Կաթողիկոսին շնորհավորեց **Տ. Սեպուհ արքեպիսկոպոս Սարգսյանը**: «Անցնող վաթսուն տարիները և այդ վաթսուն տարիների վերջին 12 տարիները հապկապես եղան Աստծու օրհնությամբ օծուն տարիներ Ձերդ Վեհափառության կյանքի և առաքելության ընթացքին: Ձեզ տրված աստվածային շնորհներով, ձեր հավատքի ուժգնությամբ ձեր հայրապետության օրերը պայծառափայլ աշխատանքներով վերածեցիք հոգևոր մխիթարության և վերազարթոնքի Մայր Աթոռ Ս. Էջմիածնի առաքելության մեջ», - նշեց Սեպուհ սրբազանը՝ անդրադառնալով ինչպես Հայաստանում, այնպես և Սփյուռքում իրականացվող ծավալուն եկեղեցաշինությանը, Նորին Սրբության հովվապետական և միջեկեղեցական այցելություններին: Սրբազանն ընդգծեց, որ Վեհափառ Հայրապետի գահակալության 12 տարիներին ձեռավորված հարաբերությունները Մեծի Տանն Կիլիկիո Կաթողիկոսության և Արամ Ա Կաթողիկոսի հետ նոր էջ բացեցին Հայ Եկեղեցու արդի պապմության մեջ. «Մենք խորապես համոզված ենք, որ այսօր մենք չենք կարող անցյալի գործելակերպով շարունակել մեր կյանքը, այսօրվա նոր մարտահրավերները մեզ բոլորին պարտավորեցնում են, որ նոր գործելակերպով ու մեր Եկեղեցու և Հայրենիքի առաջ



Հայրապետական մաղթանք

ծառացած մարտահավերների համապատասխան գործելակերպով գործենք ու աշխատենք»:

Երուսաղեմի Նայոց Պատրիարք Թորգոմ արքեպիսկոպոս Մանուկյանի բարենադեմները փոխանցեց **Տ. Արիս արքեպիսկոպոս Շիրվանյանը՝** նշելով. «Գահակալության այս փաստերկու փարիների ընթացքում Դուք կարողացաք բազում դժվարություններ հաղթահարել Ձեր անսահման եռանդով և ներքին ուժով: Ձեր նվիրումով ու առ Աստված հավատով, հայրենի պետության բարյացակամ աջակցությամբ, համագործակցաբար Նվիրապետական աթոռների, ինչպես նաև ողջ հոգևոր դասի ու հավատավոր ժողովրդի հետ կարողացաք հասնել բազում կրոնական, կրթական, եկեղեցաշինական ծրագրերի իրագործման, որոնք կենդանի վկայություններ են Ձեր սրբազանության և արարող ոգու մասին»:

Կոստանդուպոլսի հայոց պատրիարքության անունից Վեհափառ Նայրապետին շնորհավորեց Կ.Պոլսի պատրիարքական ընդհանուր փոխանորդ **Տ. Արամ արքեպիսկոպոս Աթեշյանը:** «Ձեր ծառայությունը շարունակվում է և փարավում Մայր Աթոռի հովանավորությունը վայելող ամեն մարզից ներս: Նովապետական այցելություններով միախառնում եք Ձեր զավակներին, հոգևորականների պատրաստությամբ ապահովում եկեղեցիների շենությունը, հրապարակությամբ քաջալերում եք հոգևոր գրականության ընթերցման ծավալումը, մարենադարանական շինարարությամբ հոգևորականների մեջ ամրապնդում եք հոգևոր գրականություն մշակելու սերը, Ձեր հայրական հորդորներով գորացնում եք հոգևոր ծառայության պատրաստվող երիտասարդներին և այդ բոլորը անում եք հասարակականությամբ, չափված ու կշռված վճռական քայլերով: Ձեր ծառայության միջոցով Եկեղեցին գորանում է, աճում, թափ ստանում՝ ավելի եռանդալի գործելու հարկապես ներկա ժամանակներում, երբ բազում հոսանքներ սպառնում են հավատքի և հոգևոր կյանքի զարգացմանը», - ասաց Արամ սրբազանը:

Շնորհավորական ուղերձներից հետո «Ձոն Վեհափառի» երգեցողության ներքո Ամենայն Նայոց Կաթողիկոսը հրավիրվեց Ս. Խորան, որտեղից «Պահպանիչ» աղոթքով օրհնեց արարողությանը մասնակից հավատավոր ժողովրդին:

Նայրապետական մաղթանքի ավարտին Մայր Աթոռում քրեղի ունեցավ ընդունելություն:

ՄԱՅՐ ԱԹՐԱՆ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՆԱՄԱԿԱՐԳ